

EGUSKIYAREN JAIKIERA.

(POESÍA SEÑALADA CON MENCIÓN HONORÍFICA EN LOS JUEGOS
FLORALES DE SAN SEBASTIAN.)

Egun berriya asten
danekoz argitzen,
chori chikiyak dira
jaikiyak arkitzen;
ikusirikan zeru
azpiya garbitzen,
eta eguzkiyaren
arrastoak fintzen,
gaisoak dira pozez
kantari asitzen.

Presaz emanik aiek
mundubari jira
goiz jartzen da gu gauden
aldera begira;
mugiera ikusten
zaiola argira,
urrezko gurdi baten
gañean mendira,
igota azaltzen da
zabaldi aundira.

Sortzenda disdierak
emanaz ugari,
begirik para ezin
zaiola berari;
koroiz soindurik ain da
azaldutzen garbi,
zeru azpi ederra
pararik ostargi,
alderdi denetara
egiten du argi.

Arpegi urrezdatu
zeruban egiñak,
musuz doratzen ditu
goi zabal urdiñak;
modu berean bere
dizdiera fiñak,
laztantzearekin bat
beak eta gañak
gauza guztiyak dira
azaltzen apañak.

Jaiki-arazorikan
kanpora argiyak,
ikusten dira gauza
begiragarriyak;
uso churiyak dute
ematen erriyak,
zelai bustiyak lauki¹
pintatu berriyak,
eta perla ederrez
jantziyak mendiyak.

Brumak dubela churiz
tul baten ichura,
jachirik egoten da
ibaien burura;
sarri azaldediyen
azpi eder ura,
tul fiña banaturik
odoiyen modura,
azaltzen da ibaiko
kristalezko ura.

(1) Cuadro.

Bertan inguru dena
ikusitzen dala,
ispillu biurtzen da
ibaiko kristala;
iruriztubaz balitz
bezelasen ala,
bere palastaretan
egan daramala,
intz eztitan gozoro
dagüen gain zabala.

Iturri chulo garbi
estaliyak lorez,
berriro asten dira
apaintzen kolorez;
beren chorchor soñuta
aurkera ederrez,
ezin betez daudela
magalak zillarrez,
zer grazi duten ez da
kontatutzen errez.

Argiz dijoan gisan
kanpoa galaitzen,
chori erresinolak
dirade alaitzen;
beren kontu modubak
asteko kontatzen,
arbol gain ederretan
dirala juntatzen,
oso kanta politak
dituzte kantatzen.

Ontan loreak ere
dirade ikusten,
nola kolko ederrak
zabaltzen dituzten;
kolore fiñ berriyak

artzen dira asten,
eta karmin purpuraz
diranean jazten,
dituzte beren grazi
denak erakusten.

Baletozke bezela
uztargiyan¹ beera
micheletak² jaikitzen
zaizkate gañera;
arkitzen dutelako
gozotan aukera,
nola kolko aietan
jolasteko era,
egan ibiltzen dira
loretik lorera.

Su argi zerukoak
danekoz agertzen,
kanpo guztiyak ditu
pistu ta edertzen;
gainbat perlaz du jazten,
bestea doratzen,
gauza denak dituzte
koloreak artzen,
zeñen dan, gaitz, guztiyak
ikustez asetzen.

Koloreak jaikitzen
zaiozka goiari,
koloreak ur, zelai,
baso mendiyari;
oekin lore perlak
nola choriyari,
era ikusten zaizka
kanpo osoari,
perlak, choriyak, eta
loreak ugari

RAMON ARTOLA.

(1) Arco-iris.

(2) Mariposa.